

STJÓRNARTÍÐINDI B 131 – 2005

Nr. 959

1972

8. nóvember 2005

GJALDSKRÁ fyrir Stjórnartíðindi.

1. gr.

Samkvæmt 3. mgr. 6. gr. laga nr. 15 10. mars 2005, um Stjórnartíðindi og Lögbirtinga-
blað, eru gjöld fyrir efni sem birtist í Stjórnartíðindum hér með ákveðin þannig:

1. Fyrir efni í B-deild allt að 2000 stafabilum sem sent er inn í gegnum auglýsingakerfi Stjórnartíðinda greiðist lágmarksgjald sem er 4.400 krónur. Fyrir hvert stafabil umfram fyrstu 2000 greiðist 2 kr. fyrir stafabil, hvert slag.
2. Gjald fyrir birtingu efnis í C-deild Stjórnartíðinda skal vera kr. 4.000 fyrir hverja síðu.
3. Fyrir efni sem sérstaklega er óskað eftir að birt sé með hraðbirtingu skal greiða 80% álag á framangreint gjald.

Heimilt er að innheimta allt að tvöfalt verð auglýsingar vegna vinnu við innslátt eða uppsetningu.

Heimilt er að innheimta álag þótt auglýsing hafi verið afturkölluð.

2. gr.

Samkvæmt 2. mgr. 7. gr. laga nr. 15 10. mars 2005, um Stjórnartíðindi og Lögbirtinga-
blað, eru gjöld fyrir áskrift að prentaðri útgáfu Stjórnartíðinda sem hér segir:

A-deild kr. 4.000 á ári.

B-deild kr. 15.000 á ári.

C-deild kr. 3.000 á ári.

Verð einstakra prentaðra hefta er kr. 1.800.

Verð samkvæmt þessari grein gilda einnig fyrir deildir eldri árganga.

Póstsending innanlands er innifalin í verði áskriftar og einstakra hefta, en fyrir kostnað vegna póstsendingar til útlanda skal greiða sérstaklega.

3. gr.

Gjaldskrá þessi, sem kemur í stað auglýsinga nr. 734 frá 30. desember 1997 og nr. 110 frá 1. febrúar 2001, öðlast þegar gildi.

Dóms- og kirkjumálaráðuneytinu, 8. nóvember 2005.

Björn Bjarnason.

Ragna Árnadóttir.

B-deild – Útgáfud.: 8. nóvember 2005